



Publicaziuns dalla vischnaunca, jamna 50

Cussegl da vischnaunca

Il cussegl da vischnaunca seraduna **venderdis, ils 15 da december 2017**, allas 19.15 en casa communal.
Tractandas

1. Protocol 8-2017/2020
2. Baghetg pil santeri e stabiliment per la rimnada da rufids: Damonda da credit (messadi nr. 13-2017/2020)
3. Agenda 2018
4. Ura da damondas (conform ad art. 44 dil regulativ da fatschentas)
5. Elecziuns:
 - 5.1 dil president ni dalla presidenta dil cussegl da vischnaunca per 2018
 - 5.2 dil vicepresidente ni dalla vicepresidente dil cussegl da vischnaunca per 2018
 - 5.3 dil actuar dil cussegl da vischnaunca per 2018–2020

Il president dil cussegl da vischnaunca

Bien di, bien onn

Nadal, onn niev – vargau ei vargau – il niev entscheiva?

Ei quei veramein aschia? Forsa fuss patertgar aschia memia sempel – forsia schizun trest. Denton, nus astgein mirar anavos sin in bien onn. In onn che ha purtau dabia satisfacziun a nossa vischnaunca. Nus astgein haver speranza en nies futur e selegrar da quei che vegn.

In patratg

«Tier la vart sulegliva s'auda era la vart umbrivauna – per saver realisar il bien ston ins era enconuscher il schliet». Astgar mirar anavos alla fin digl onn cul patratg «nus havein bien» ei franc in bi sentiment. Ei quei buca gest in bien mument per far enqual patratg vid il concarstgaun en pitgiras che viva ell'umbriva, e da porscher maun ad el per megliar sia situaziun?

In grond engraziament admittel a tut tgi ch'ei s'engaschaus e s'engascha era vinavon pil beinstar da nossa vischnaunca.

Jeu giavischel a convischinas e convischins bialas e graziusas fiastas da Nadal ed in legreivel e benediu 2018. En num dalla suprastonza communal

Robert Cajacob, president communal

Center da sport e cultura

La cumissiun da menaschi dil Center da sport e cultura ha eligiu Gion Hosang sco niev menader dil Center da sport e cultura Disentis/Mustér (CSC). El surpren sia funcziun cun l'entschatta d'avrel 2018.

Ord las numerusas e valablas annunzias d'indigens e personas d'ordeifer la vischnaunca ha la cumissiun da menaschi eligiu **Gion Hosang** (38) da Mustér. «Cun Gion Hosang havein nus anflau ina persuna che ha las habilitads ch'ei drova per menar nies Center da sport e cultura. » Ch'igl ei reussiu d'eleger ina persuna che s'engascha e ha fermas ragischs ella regiun legra la cumissiun CSC. Ils davos prest dudisch onns ha Gion Hosang luvrau tier Radiotelevision Svizra Rumantscha en differentas funcziuns. Denter auter sco menader dalla redacziun online ed ils davos onns sco correspondent a Mustér. Enconuschents ei Gion Hosang denton era sco persuna che s'engascha en uniuns ed organisaziuns, nua ch'el ei denter auter era staus involvaus ell'organisaziun da grondas occurrenzias en il CSC.

Sco cuschinier ha il niev menader era experientschas ella gastronomia, ina impurtonta part dil CSC che sa profitar da sia savida. Siu secund mistregn d'informaticher porta la savida e capientscha duida per la numerusa tecnica ch'ei dat en in tal center, mo era las experientschas da vender e cussegljar la clientella. Il MAS en multimedia e comunicaziun rundeschan giu il profil da Gion Hosang. Cumpetenzas el sector da reclama e medias socialas ein ozildi impurtontas per in tal menaschi sco il CSC.

Gion Hosang remplazza Herbert Schmelzer che ha visau la plazza sin la fin d'avrel 2018.

Cumissiun da menaschi CSC



Administraziun communal

Sur las fiastas da **Nadal e Daniev** ei l'administraziun communal **serrada** ils suandonts dis:

- gliendisdis e mardis, ils 25 e 26 da december 2017
- venderdis, ils 29 da december 2017
- gliendisdis, igl 1. da schaner 2018
- mardis, ils 2 da schaner 2018

Nus giavischein ina biala fiasta da Nadal ed in bien onn 2018!

Administraziun communal

Remplazzament dall'illuminaziun publica Invitaziun d'annunziar observaziuns

Il 20 d'ost 2017 ha l'interpresa Repower AG entschiet cul remplazzament dall'illuminaziun publica.

L'illuminaziun vegn adattada al niv sistem LED ed equipada cun in sistem da pilotadi.

Il sistem da pilotadi lubescha d'adattar l'illuminaziun al basegn dil traffic. Aschia sa l'illuminaziun vegnir reducida la notg. Il sistem LED en cumbinaziun cul pilotadi possibilitescha da reducir marcantamein il consum d'energia.

La gronda part dallas cazzolas ein gia vegnidas remplazzadas. En singuls loghens succeda quei el decuors digl unviern resp. dalla primavera 2018. Entochen che tut ei programau ed adattau, drova ei aunc empau temps. Il pilotadi funcziuna suandontamein:

- Las cazzolas s'envidan la sera e sestezzan la damaun automaticamein sco entochen dacheu.
- Tenor program sereducescha la glisch entuorn las 21.00 entochen la damaun ca. allas 6.00. Quei temps sa vegnir adattaus tenor intensitad dil traffic. Duront il temps che las cazzolas glischan reducidamein, sesclareschan quellas per in cuort mument sin fundament d'in moviment sin via.

A vesta da quellas pussevладads tecnicas e che l'illuminaziun publica en nosa vischnaunca cumpeggia ca. 400 cazzolas, essan nus dependents dallas observaziuns da vischinas e vischins. Nus supplichein Vus d'orientar nus sur da Vossas constataziuns davart irregularitads, sinaquei che nus sappien prender las mesiras necessarias. Impurtont ei da comunicar a nus la via pertuccada, el cass da cazzolas singulas la numera da quella indicada sin la petga e l'observaziun ch'ei vegnida fatga. Las observaziuns san vegnir annunziadas all'administraziun communal (tel. 081 920 36 36 ni per e-mail infra@disentis.ch). Per Vossa collaboraziun engraziein nus cordialmein.

Infrastructura communal Disentis/Mustér

Scola da musica Surselva – Musikschule Surselva

Adatg, novs cuors – Achtung, neue Kurse

Scolasta/Lehrerin: Gabriela Tambornino

Ritmica per affons pigns (annadas 2012/2013)

Nus cantein e sunein en gruppa. Otg lecziuns: entschatta ella jamna dils 5 da fevrer 2018

Kleinkinder-Rhythmik (Jahrgänge 2012/2013)

Wir singen und musizieren in der Gruppe. Acht Lektionen: Beginn in der Woche vom 5. Februar 2018

Mustér/Disentis:

gievgia/Donnerstag 14.30–15.20 casa da scola

Annunzia/Anmeldung bis 15.1.2018

Formulars ed ulteriuras informaziuns/Formulare und weitere Informationen: www.bzs-surselva.ch Tel. 081 926 25 10, admin@bzs-surselva.ch



Societad da musica Mustér

Concert da Nadal

Sonda, 23-12-2017 allas 20.00 en baselgia Sogn Gions, Mustér. Silsuenter stiva da caffee. Entrada libra, collecta.

Controllas apparats d'udida

Gliendisdis, ils 18 da december 2017 saveis Vus schar schubergiar e rugalar Vies aparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei sur-
vetsch gratuit per tuts interessents. Ei drova negina annunzia.

Chor baselgia Segnas

Preavis:

15avla exposiziun d'art e sentupada a Segnas

Temps d'avertura:

Dumengia, ils 17 da december, dallas 14.00–19.00

S. Stiafen, ils 26 da december, dallas 14.00–19.00

Mesjamna, ils 27 da december, dallas 14.00–19.00

Sonda, ils 30 da december, dallas 14.00–19.00

Nossa purschida:

Artists ord nossa regiun exponan lur scazis.

Stiva da caffè cun specialitads dil vitg – Entrada libra Da Vossa viseta selegran ils expositurs ed igl organisa-
tur

Chor baselgia Segnas

Kerzenziehen in Mompé-Medel

im Stall von Armin Manetsch und Priska Müller

Samstag, 16.12.2017, von 16 bis 22 Uhr

Sonntag, 17.12.2017, von 11 bis 17 Uhr

Die Kaffeestube ist während dieser Zeit ebenfalls geöffnet.

Wir freuen uns auf euren Besuch.

Gruppa da teater Mustér

Nus fagein puspei teater: «**L'onda da Charly**», **cumedia en dus acts. Premiera ei ils 13 da schaner 2018.**

Ulteriuras producziuns ein ils 14, 20, 21, 26 e 27 da schaner. *Cordialmein envida la Gruppa da teater Mustér*

Schnupperskitour für Jugendliche

28.12.2017

Schnupperskitour für Jugendliche im Alter zwischen 14 und 22 Jahre. Veranstalter: JO SAC Piz Terri Anmel-
dung: dberther@gmx.ch David Berther 076 443 11 90



Invitaziun Seniors-CaNorta

**(Star da cumpignia – giugs – raschunar)
Gievgia, ils 21 da december 2017**

Il liug da sentupada per seniors/senioras, **mintgamai la tierza gievgia dil meins** allas 12.15 meisa da miezdi (mira giusut) ni allas 13.30 star da cumpignia, discuors, giugs (troccas, jass, sudoku...) ni pli tard per ina cuorta sentupada.

Meisa da miezdi organisada da Seniors-Ca e Puntreis

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di a Puntreis (tel. 081 929 56 56)

La meisa da miezdi ei aviarta per mintgin/a.

Post d'informaziun Seniors-Ca

Quarta fiera da Silvester ad Acletta

Mesjamna, ils 27-12-2017, 15.00–21.00

Fiera cun products indigens, uustria cun gril, vin cauld, punsch, pettas eav. Sentupada per indigens, cussadents e turists da vacanzas.

Sin vossa viseta selegran famiglia Candinas e team
